



FM15/90  
Nuuk 17. marts 2015  
Iddimanggiu Bianco

**Uunga siunnersuut: Nunami sumiiffinni immikkut toqqakkani takornariartitsinermik inuussutissarsionnissamut akuersissuteqartarneq pillugu inatsisartut inatsisaat allangortinnissaanut**

(Inatsisip atuuffigisaa sukisaarsaatigalugu aalisarnermut akuersissutinut sumiiffikkaanullu pilersaarutinut piginnaatitsissummik ilaqartilerlugu annertusissaaq)

Nunatsinni takornariaqarnikkut siuarsagassat amerliartorput avammut tuniniakkat amerliartortillugit, tamanna inatsisitugit sinaakkusiinissamik amerlanerusumik malitseqarnissaa qularitissaanngilaq.

Una suliaq Naalakkersuisumut ataasiinnarmut ingerlattalernissaa suliamut oqilisaataanissaa qularutissaanngilaq.

Pisariillisaanerit allaffissornikkut, saaffiginninnikkut siunnersorneqarnikkullu nunatta pisariaqartitaasa ilagaat. Unalu suliaq inatsimmik annertusineq sukisaarsaatigalugu aalisarnermut akuersissutinut sumiiffikkaanullu pilersaarutinut piginnaatitsissut taamatut kinguneqarnissaanik inerneqassajunnarsisoq.

Sumiiffiit toqqartukkat aaliangersimasut aalisarfissat eqqarsaatigalugit nunaqavissut ilisimasai taavalu pinngortitaleriffiup ilisimasai atorluarneqarnissai Inuit Ataqtigiinniit innersuutigissavarput Naalakkersiusut sulinerannut ilanngunneqassasoq.

Tusarniaanerit ilaanni akissutini ersippoq akuersissutinut atasumik akiliisitinnaneq ersarissumik allaqqannginnera ugartorneqartoq, tamanna aamma una suliareqqinnerani eqqartugassaqqittut ilagaat, assigiinngitsummi aallaaviginerisigut suut qanorpiaq akeqassanerani toqqammaveqarsinnaaneq pisariaqarorigatsigu, Naalakkersuisumut ataasiinnarmut suliaq akisussaaffinngortinneranut tulluussarnerani assortuukkunnaarsillugu. Akinimmi inissiinissamut aalisarnermut Naalakkersuisoqarfik aaliageeqqataasarnera isumagaa Naalakkersuisoqarfiit marluk akisussaaffiginera. Tamanna suliamut oqilisaaniarnermut akerlilivoq.

Akilaartarnermut sinaakkutigisaa nunatta iluanaarutissaattut inissinnissaa ersarissumik atuutsinnissaa pingaaruteqarpoq.

Nunaqavissut periarfiisa annertusarnissai Inuit Ataqtigiinniit pingaartillugu naqissuserusupparput, taamaattumik aqutissiuussinnaaneq nunaqavissunut aamma suliasat ilarigaa isumaqarpugut, tamannalu malitsigisinnaavaa Nunatsinneersut takornariaqarnikkut neqerooruteqarsinnaanerit annertunerulersinnaanera.

Taamatulli oqareerluta piumasqaataasut

Soqtigisaqatigiinnut tusarniaasimanerit **qujarutigaaqut**, neriullutalu una siunnersuut suliareqqinneqarnerani qanimut aamma suleqatigiinneq atorluarneqarumaartoq soqtigisaqatigiinni.

**Makkulu maluginiarneqaqquagut**

Ilaqutariit qangaaniilli eqalunniartartut innimigneqaqqissaarnissaat tamanit ilisimaneqassasut,takornariartitsisunillu takornariat ileqqunik ilitsersunneqartassasut.

Asserssutigalugu aavarnerup nalaani aavartut innimigineqarlutik pineqartassapput.

Kommunit ileqqussanik sanasarnissaat, eqalunniartartutoqqat ataqqillugit.

Taamatut naatsumik oqaaseqarlunga suliaq ataatsimiitsitamut suliassanngortippara